

昆明志 390

地 350.35

42

11-15

卷首序文

職凡目諸

名例錄圖

天文志

分野氣祥

野候異

曆法附

祿

勸

縣

志

卷

一

戊辰十月既望

祿勸縣志

魯陽張志書籤

訓

雲南
開智公
司代印

祿勸縣志序

祿勸一邑界連巴蜀列徼外者二千餘年地雜漢夷轄境內者三百餘里固滇省西北之藩籬扼川邊東南之鎖鑰在唐虞爲昧谷之交在夏商爲梁州之域周則合梁於雍秦則略滇屬楚漢屬會無縣而郡則隸越嵩唐屬宗居縣而部則稱羅婺元升爲州與和曲而指臂相使清降爲縣與元謀而唇齒相依始爲領易寵石舊二邑居然荒服雄州繼焉轄普渡撒墨兩司亦非彈丸小縣仰觀星野宿居井鬼之間俯察輿圖壤接川滇之界山深菁密氣候則寒燠不齊土樸農勤風俗則醇良是尙界劃六區疆域之縱橫幾千里圖呈八景林泉之名勝甲一方山以秀屏作枕面臨鳩水而

祿勸縣志

迴環河以普渡爲襟源自螳川而浸灌沐氏之勳莊久併田賦皆屬版圖鳳家之土舍早裁戶口何分彝漢所惜者設學太遲故科第之登庸不廣裁營已久故關津之捍衛難周耳憶昔蜀相平蠻南征紀啞泉之蹟滇王僭號東禪崇蒙嶽之封搆思班江外興師著戎衣而一渡建文帝山中避難披僧衲而三藏凡此皆帝王將相足跡之所經亦漢唐元明掌故之所繫其間代有傳人詳於載籍董明經是循良吏名垂秀水之碑張僉書乃理學儒文著雪山之集陳生以孝聞五夜迷尋親之路奢格以烈著千秋表懸女之巖楊泗水舍生取義德紹一山梅庾峯教子揚名芳聯五桂孰謂僻壤荒陬之難化而流風遺韻之無聞乎載徵物產各別土宜五

金則產銀銅百貨則出刀貝菽則石花蒟蒻藥則石斛茯苓珍禽則鸚鵡錦雞奇獸則犀牛仙鹿此皆類聚羣分亟應旁搜博採也茲者國家改革除專制而共和學校盛行啓文明而進化籌辦警察閭閻獲保安訓練國防關隘藉資防守振興實業野少遊民選舉議員官無枉法此又新政之萌芽而爲前朝之缺點者也惟是地方僻處邑乘闕如其耆儒循吏僅附於省志郡志之中彝俗方言偶見於藝文之內家乘碑銘紀載半多失實稗官野史傳聞尤屬不經蓋緣改土歸流文化較遲乎上邑以故採風問俗輶軒莫逮乎邊隅稽志乘於祿陽實權輿於清代粵自康熙五十八年己亥州牧李竹坡創修至乾隆四十五年庚子縣令檀豈田

祿勸縣志

二

增輯要皆先正典型可作後儒模範然李志則提綱挈領草創粗具規模檀志則踵事增華瑣錄未得體例古人往矣後世惑焉迄於今兵燹迭經事殊時異衣冠已邈物換星移斷碣殘碑慨滄桑之屢變徵文考獻嗟杞宋之無徵倘再因循玩愒不能廣續纂修匪特近年事蹟有類於水月鏡花卽前代典章亦付諸荒煙蔓草誰實爲之良可慨已楊胡承先生者前羅雄舊令實同學故交也近年改組歸來彈冠待薦抱愛鄉之素志發思古之深情竊以爲數千年之掌故不可久湮百餘載之志書亟宜續纂但楚材晉用先哲旣發其端蕭規曹隨後人當援爲例乃商諸父老謀之官紳特聘賢擔任總纂編輯全書實自維雕蟲小技愧無著作之三長

刻鵠潛修勉竭芻蕘之一得乃束裝而就道爰開局以徵言訂殘
補缺敢教滄海遺珠發微闡幽忍聽黃泉埋玉雖據事直書略仿
蓬狐之筆而諷遺拾唾甯無亥豕之訛計自壬戌冬十月按部分
編至癸亥秋九月全函脫稿從此册成十三卷不妨禍棗災梨化
沿千百年共識恭桑敬梓是役也楊明府翊丞提倡之梅廣文益
齋佐理之邑侯全公源清監督之議長角君颺廷梅君獻廷主張
之而始告厥成功昭茲來許者也謹叙崖略庶原始以要終用弁
簡端俾信今而傳後

民國十二年癸亥孟冬月下澣宜良許 實謹序

祿勸縣續修志書序

劉子玄謂史氏之流別有十所列郡書卽今之縣志也修史之難無出於志非老於典故者不能而又必才學識之兼長以史遷之閔肆而班固蘇轍乃議其非以孟堅之精深而劉知幾鄭夾漈亦糾其失此勸崇垂鴻任也淺嘗者其庸可冀乎余遊跡半禹甸所歷通都大邑皆得觀覽其志乘心焉向慕雖所不至必鈎深而羅致之年來息景蓬廬敝帚自珍頗獲虛譽各縣之增修新志者嘗參與編輯潤色之役於以觀風俗徵文獻挹波膏馥實家破囊采摭既勤著述遂富樂此不疲蓋耽之亦已久矣滇僻邊塞開化較晚文獻舊荒各縣之有邑乘多權輿於清初或僅紀載百年間事

祿勸縣志

四

而能覈事顯義緒理要會使讀者有所欣契蓋不多覲此非特人才之難作志之不易譬如資章甫於斷髮文身之俗鋪錦帳於黃茅白葦之鄉雖良匠亦將窮於方術然後嘆二者之相需相得固如石鼓之扣銅魚珊瑚之待鐵網也吾姪丕基宰祿勸之次年其邑紳楊君國柱梅君增榮以同協修之祿勸縣志問叙於予其任總纂編輯者宜良許秋田孝廉也觀其鈎玄提要條目得綱捭佚撮殘苦心具見許君本宜良汲古雕鐫之士雖非其至以較他之誤僻區見游談憑臆者當據上床祿邑借材亦可謂光遠而自他有耀矣許君未藏其業齋志以歿楊梅二君合而足成之稽少孫之補史記曹大家之續漢書古今人詎不相及耶石屏袁嘉穀序

續修祿勸縣志序

方志未易言也。不精於史學不熟於掌故不足以言志。不通於邏輯與學尤不足以言志。觀於劉子者論史法。章實齋之論史義。而和而君所持皆周合於邏輯之理。而大別尤適於精到。迺躬儻之知州。承情諸志。今皆不傳。湖海通志之存者。甚赫。世則斯道之宗。解人已難。夫以夫國家社會之變遷。人事之繁復。較前實為繁。竹石倍從。體裁之應及。通搜及之。宜宏博著錄之。須期安。尤未可寧。亦標。餘。考。幸。以。衡。晚。也。一。考。志。缺。只。能。力。者。

甚多求其恆者則甚少之或
曰以子之論似近者遂將母令勉
之者望而卻步耶是又不然取
法乎上猶得其中取法乎下則若
之何方今四海雲擾政法凌夷方
志一于之所繫尤重為地方有志
士相與拾樵薪救溺者舊排
比篡迭勒為成書不其難能而
貴者耶福勸一邑近接全江
北鄰山境為陞省西共屏教而縣
志自方為攀攀中修于各有擅默齋
漢於后中斷有名數十年必有
續者其何以資輔軒之採訪備史
乘之要刪以人揚君國柱却任

羅平下馬邑之士夫協商鑄行算
修聘官良許君秋田主其事期
年而書成借梅君增榮以福見
朕體例不似通志其間與革利
弊故事執國犁金且其備地處僻
遠風氣晚開得以比居不易矣
以詳九之區而得留學國內外畢
業者者若干人以此縣翩跹起方興
未艾人才如此其他事業學術之
進步又豈有有限量耶楊梅兩君
即其中所到貪貪學校功利武
備諸大端與聖有司一上謀所以
為進而濟於法理斯由所以彰
厥美者蓋將力及以傳其感焉

參將打星書之成上三矣

民國第一西家山陽月

姚正由雲龍侯



自來修邑志者必賢有司倡率於上邦人士贊襄於下始克相與有成而學優登仕者以經術飾治術以史才顯吏才往往出手筆而自爲之豈好勞哉蓋移風易俗之權有司操之行政用人之責有司負之非異人任也祿勸志自清康熙開州牧李廷宰屬學正高攀雲創修之爲卷二上卷凡二十四條下卷僅載公牘碑記而已挂一漏萬後之覽者有遺憾焉顧州學設於康熙三十三年州志成於康熙五十八年當是時文化初開士無實學地方僻處家少藏書州志之簡陋勢所必然然其創始之功亦不容沒也至乾隆間縣令檀萃續成縣志爲卷十有四以祿勸舊爲洪農碌券部

祿勸縣志

七

故名曰農部瑣錄元元本本皆脫胎於經史子集自成一家惜乎歷年既久書與板皆燬於兵燹十四卷得五卷亦不過管鼎一鬮窺豹一斑耳而五卷內山水記與人物傳占二卷今俱探入藝文志中其餘隻字片詞僅存什一於千百吁可慨已迄於今中斷者又一百四十有四年其閒事蹟之湮沒不知凡幾於此而欲重修誠憂憂乎其難之然使畏其難以待後人後人而復寺矣

志安有成書之一日耶雖然莫爲之前雖美弗彰莫爲之後雖盛弗傳有
志者事竟成亦視乎其人爲何如耳茲幸議長角颺廷茂才
議長梅獻廷明經竭力提倡之楊翊丞拔萃梅益齋廣文熱

志慎繫及地理志一統志備徵志諸書逐一詳考之竭一年之勞力勞心而全書脫稿分門別類綱舉目張名雖重修其難與創修等夫許君之著述其立言固不朽矣而角梅楊諸君之經營其立功亦與之不朽矣予以不才宰是邦忝司民牧既不能如李牧之任人編輯更不能如檀令之手自成書撫衷內叩抱愧殊深猶得於志稿告成之日廁名於監修之列附驥尾而名彰登龍門而價重此又予之所厚幸也夫

民國十二年癸亥冬十月下旬知祿勸縣事紹興全奘澤謹序

續修祿勸縣志題詞

懿歟祿邑古稱雄州屏山秀峙鳩水迴流山川鍾毓代生人俊起
蟠修五後先輝映人傑地靈何以表彰李牧檀侯各擅文章乾隆
以還垂百餘載方志失修理光蔽彩邑多志士咸深痛惜續修是
倡群策群力部署既定異地借材秋田許君惠然肯來周諮博訪
秉筆直書歷時八月功與人殊九仞之山方將告竣惜哉秋田竟
卒于任梅楊二君邑之達人奮然繼起一篑終成乙丑之年我來
是邦得觀全書規模煌煥別類分門美不勝收一邑之光舍此安
求爰綴俚詞聊伸慕臆示諸邑人用代書序

民國十四年歲乙丑之冬月知祿勸縣事石屏袁丕基謹題

祿勸縣志

祿勸縣志序

志爲史之一體顧史則善惡並書而志則善善從長又大同而小異以全國論有地理志有一統志以一省論有通志有郡志有縣志志之所繫大矣哉我祿勸之有志自清康熙五十八年刺史李竹坡創修州志二卷始惜當時參考缺書僅屬學正高攀雲依據武定府志摘要登載讀者每憾其略而不詳至乾隆四十五年而邑侯檀默齋之續縣志出焉檀公以江南名進士出宰是邦慨州志之簡略毅然以纂修爲己任博採旁搜成績縣志十四卷名曰農部瑣錄考據非不詳明詞旨非不純正然名曰瑣錄似與志乘體裁不相吻合蓋其才大其學博洋洋灑灑十萬餘言皆自成一

祿勸縣志

九

家不屑落人窠臼也迄於今歷年一百四十有四矣兵燹迭經徒於殘灰冷燼之餘搜獲五卷誰爲輯殘誰爲補缺未嘗不廢書三歎也予不學無術忝長議會以爲縣志一日不修則風俗人心一日不正乃與副議長梅獻廷明經暨各會員議辦法僉曰茲事體大非編輯得人不能爲功惟時楊紳翊丞曰吾友許君秋田宜良名孝廉也歷官滇粵致仕歸纂定良縣志十卷成績昭彰以之主修祿志是猶駕輕車就熟路也盍聘之衆皆贊成於是肅函往聘幸許君惠然肯來覺秀屏掌鳩山川亦爲之生色駕臨後竭其心思才力夜以繼日從事編輯期年而告厥成功觀其目錄係仿雲南通志例分十三門子目凡五十有七凡歷代之沿革政俗之變遷

人物之次序一展卷而瞭如指掌朗若列眉是書也李牧創於前而規模粗具檀侯續於繼而事蹟加詳得許君成於後而盡美盡善豈非一方之信史哉今而後邦人士家置一函令子弟隨時閱之俾知某也爲循良爲賢才爲耆舊某也爲忠義爲孝友爲節烈與夫士女之嘉言懿行及城鄉之軼事異聞咸得以觀感而興起焉庶於轉移風俗補救人心不無裨益焉爾書既成將付諸剞劂氏爰叙其崖略如此

民國十二年歲次癸亥孟冬月中浣穀旦邑人角乃廣謹序

祿勸縣志序

祿勸舊無志自清康熙五十八年知州李廷宰屬學正高攀雲創修之名曰祿勸州志凡二卷至乾隆四十五年知縣檀萃增輯之名曰續祿勸縣志又名曰農部瑣錄凡十四卷迄於今中斷者一百四十有四年矣歷年既久兵燹迭經李志雖存其失也簡僅搜獲續志五卷亦殘缺而不全良可慨已管中窺豹僅見一斑詎非憾事哉况此百四十餘年間舉凡郡縣之沿革人物之盛衰政治之興替風俗之醇漓皆邈乎其無聞加以近年來舉行新政如興學勸業設警練團諸大端皆昔無而今有者使無以志之不獨近年事蹟無所表彰卽先正典型亦將漸滅何以繼往開來乎雖然

祿勸縣志

十一

修志亦難其人矣或荒於經學而矜言筆削安知書法之嚴或短於史才而徒事鋪張安見體裁之正江文通謂作史莫難於志非虛語也予學識庸庸見聞謔陋廿年前曾有續修之志而未之逮今者改組歸田本不欲與聞時事惟此修志一節念念不忘始出而爲桑梓計惟是我邑地處邊隅才難致歎老成彫謝寥若晨星不得不借材於異地宜良許秋田孝廉予同學友也歷官司司法行政卓著循聲譽著四書詞偶四集久已膾炙人口近年來回籍養疴供職勸學以公餘之暇續修宜良縣志十卷業經出版成效斐然予瞻所謂讀書讀律許君進而有之矣倘得續修祿志知必能駕馭就熟游刃有餘爲一方之信史可斷言者乃商請紳學各

界皆極贊成繼謀之賢可牧亦蒙許可於是馳函數百里外折柬敦聘幸承許君金諾辱臨敝邑爰取省志郡志而互參合國史野史而旁證振筆直書於舊志之繁者刪之缺者補之訛者正之竭終歲之精力成縣志十三卷非學識深邃苦心焦思曷克臻此是舉也議參兩會主持之梅益齋學博動勳之用能尅期藏事相與有成予惟樂觀厥成焉耳敢言功哉夫志乘之修固必根據於前人而繼志述事尤必屬望於後人今而後有英才繼起者乎或廿年而一修或卅年而一修俾繼繼承承永垂於千百禩豈不懿歟予將馨香祝之矣

民國十二年癸亥冬十月邑人楊國柱謹序於玉皇閣之南軒